

**Fra:** Frederik Lund [<mailto:frederik@frederik.gl>]

**Sendt:** 24. november 2013 17:42

**Til:** Officiel post til MLSA

**Cc:** 'Frederik Lund'

**Emne:** Tanbreez Mining Greenland A/S-ip qinnuteqaataata tusarniaassutigineqarneranut atatillugu

Tanbreez Mining Greenland A/S-ip aatsitassanut qaqutigootunut eudialyt-imut kiisalu aatsitassamut feldspat-imut tunngatillugu Killavaat Alannguanni piaanissamut akuersissummik qinnuteqaataanut atatillugu suliarineqartut, pillugit tamanut ammasumik tusarniaanermut isummersuutikka matumuuna apuukkusuppakka - naatsorsuutigalugu saaffiginnissutigina manna Tanbreez Mining Greenland A/S-imiit qinnuteqaatigineqartup Namminersorlutik Oqartussaniit nangittumik suliarineqarnissaani ilanngullugu isummeruutigineqarpat - tamatuma qanoq isummersorfigineqarnerani tusartinneqarumaarlunga.

Matumani isummersorfigisara uunga tunngassuteqarpoq:

"Inuiaqatigiinnut sunniutissanik naliliineq TANBREEZ Mining Greenland A/S - Inuiaqatigiinnut sunniutissanik naliliigallarnermik nalunaarusiaq, Mars 2012 iluarsisaq August 2013"-imeersuni imm.: "5.13.2 Akoorutissanik atuilluni suliarinninnek - akoorutissanik atuilluni sulliviup inissisimaffissaa"

Tassunga tunngatillugu isumaqarpunga suliffissat amerlanerit nunatsinni pilersinneqarsinnaasuugaluit nunatta avataani suliffissaqartitsinikkut iluaqutissannortinneqartussannorlugit aaqqiissuteqartoqarniartoqartoq. Qinnuteqaat taama imaqarluni Namminersorlutik Oqartussaniit akuerineqassappat isumaga naapertorlugu nunatsinni suliffissaqartitsiniarnikkut - taamalu nunatsinni aningaasatigut isertitarineqartussanut ilapittuutaasussaagaluit - akeqanngilluinnartumik aatsitassarsiorniartunut tunissutigineqaannartussaassasut. Isumaqarpunga tamanna nunatta soqutigisaanut tulluuartuunngitsoq, tulluuartuutinniarneqartariaqanngitsorlu. Isumaqarpunga akuutissanik atuilluni suliarinninnermi suliffissaalersussat nunatsinni pilersinneqartussannortinneqarnissaat Tanbreez-imiit isigalugu imminut akilersinnaasussannorlugu aaqqiissuteqartoqartariaqartoq. Akitsuusersueriaatsitigut periarfissat atorlugit Tanbreez Mining Greenland A/S isumaqalersinneqartariaqartarpoq suliffissat taakku tamarmik nunatsinni pilersinneqarnissaat aatsitassarsiogatiiffimmuut akikinnerpaajussaasoq. Ima paasillugu suliffissat taakku nunatta avataani inissinneqassappata akitsuussiinerit ima qaffasitsigisariaqartut allaat suliffissaasinnaasut tamarmik nunatsinniitsinneqarnissaat orniginarnerulersinneqarluni. TANBREEZ Mining Greenland A/S-imiit isigalugu akikinnerpaajusussa qassaalersinneqartariaqarpoq suliffissaqartitsinikkut periarfissaasinnaasut tamavimmik nunatsinniitsinneqarnissaat.

Soorluuna TANBREEZ Mining Greenland A/S tamatumunnga peqataarusulluinnassanngippat **aatsitassat qaqutigootut nunarsuarmi piumaneqagisut** piiassallugit soqutiginnissinnaasunik allanik nassaassaqaassasoq, immaqa aqaguunngikkarluartoq, kisianni assersuutigalugu immaqa sapaatit akunneri marluk qaangiuppata? (aatsitassat taakku nunarsuatsinni qaqutigootuupput - nunarsuatsinni aningaasaliisartuniit qaqutigoornerullutik)

in.in.

Frederik Lund  
Qaava B 1207-105  
3920 Qaqortoq